



Broj: 01/14-11-3699-2/26
Sarajevo, 08.07.2026. godine

Na osnovu člana 64. stav (1) tačka b), člana 70. stav (1), (3) i (6) Zakona o javnim nabavkama BiH ("Službeni glasnik BiH", br. 39/14, 59/22 i 50/24) (u daljem tekstu: „Zakona“), člana 41. Statuta Grada Sarajeva ("Službene novine Kantona Sarajevo", broj 07/23), a na preporuku Komisije za javne nabavke roba, usluga i radova u Gradu Sarajevu, imenovana Rješenjem broj: 01/14-04-211/26 od 16.01.2026. godine (u daljem tekstu „Komisija“) gradonačelnik Grada Sarajeva donosi

ODLUKU

o izboru najpovoljnijeg ponuđača putem Otvorenog postupka

I

Prihvata se ponuda ponuđača **PORSCHE INTER AUTO BH d.o.o.**, Mali Kiseljak 6A, 71210 Ilidža, Kanton Sarajevo, u postupku javne nabavke robe: "Nabavka motornog vozila", provedenog putem Otvorenog postupka sa prihvaćenom cijenom u iznosu od **59.146,42 KM bez PDV-a, odnosno 69.201,31 KM sa uračunatim PDV-om.**

II

Sa ponuđačem **PORSCHE INTER AUTO BH d.o.o** zaključit će se Ugovor o nabavci robe iz tačke I ove Odluke.

III

Sastavni dio ove Odluke čini Zapisnik o pregledu i ocjeni ponuda od 03.07.2026. godine.

IV

Ova Odluka stupa na snagu danom donošenja.

V

Ova Odluka će se objaviti na službenoj web stranici Ugovornog organa, istovremeno sa upućivanjem ponuđačima koji su učestvovali u postupku javne nabavke, u skladu sa odredbama člana 70. stav (6) Zakona o javnim nabavkama.





Obrazloženje

Odlukom o pokretanju postupka javne nabavke putem otvorenog postupka za dostavljanje ponuda, broj: 01/14-11-3699-1/26 od 10.06.2026. godine, pokrenut je postupak javne nabavke robe: „Nabavka motornog vozila“, za koji je Obavještenje o nabavci broj: 1278-1-1-72-3-58/26 objavljeno dana 19.06.2026. godine na portalu Agencije za javne nabavke. U predviđenom roku za dostavljanje ponuda na protokol Ugovornog organa zaprimljena je jedna (1) ponuda, i to ponuđača:

1. **PORSCHE INTER AUTO BH d.o.o.**, sa sjedištem u ulici Mali Kiseljak 6A, 71210 Ilidža, Kanton Sarajevo.

Postupajući u skladu sa članom 63. Zakona, Komisija je u zakazano vrijeme pristupila javnom otvaranju ponude, prilikom čega je ustanovljena cijena pristigle ponude i to kako slijedi:

RB	Broj protokola	Ponuđač	Datum i sat prijema	Ukupna cijena ponude bez PDV-a	Ponuđeni popust	Ukupna cijena ponude sa popustom bez PDV-a
1.	14-11-4155/26	PORSCHE INTER AUTO BH d.o.o. Mali Kiseljak 6A 71210 Ilidža, Sarajevo	23.06.2026. u 10:45h	59.146,42 KM	-	59.146,42 KM

Komisija je, obradom dokumentacije koja čini sastavni dio ponude izvršila provjeru valjanosti, odnosno analizirala ispunjenost zahtjeva ugovornog organa propisanih tenderskom dokumentacijom, te utvrdila da dostavljena ponuda ispunjava sve tražene uslove, zbog čega je ocijenjena prihvatljivom.

Kao kriterij za dodjelu ugovora, u skladu sa članom 64. stav (1) tačka b) Zakona, ugovorni organ je odredio najnižu cijenu i tenderskom dokumentacijom predvidio provođenje e-aukcije. S obzirom na činjenicu da je zaprimljena samo jedna (1) prihvatljiva ponuda, e-aukcija nije zakazana, shodno članu 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj: 80/23).

Nakon provedenih svih radnji u predmetnom postupku javne nabavke, Komisija je sačinila Zapisnik o pregledu i ocjeni ponuda od 03.07.2026. godine, sa preporukom za prihvatanje ponude ponuđača **PORSCHE INTER AUTO BH d.o.o.**, sa sjedištem u ulici Mali Kiseljak 6A, 71210 Ilidža, Kanton Sarajevo, u postupku javne nabavke roba



„Nabavka motornog vozila“, sa ukupnom cijenom u iznosu od 59.146,42 KM bez PDV-a, odnosno 69.201,31 KM sa uračunatim PDV-om.

Na osnovu preporuke Komisije, a u skladu sa Zakonom o javnim nabavkama, podzakonskim aktima i tenderskom dokumentacijom, odlučeno je kao u dispozitivu ove Odluke.

Pouka o pravnom lijeku: Protiv ove Odluke dozvoljena je žalba. Žalba se izjavljuje u roku od deset (10) dana od prijema Odluke, Uredu za razmatranje žalbi putem Ugovornog organa, u dovoljnom broju primjeraka.

GRADONAČELNIK

Samir Avdić s.r.

Dostaviti:

- Ponuđaču,
- U spis.